

Հ Ա Շ Վ Ե Տ Վ ՈՒ Թ Յ ՈՒ Ն

ԳՈՐԾՈՒՂՄԱՆ ԱՐԴՅՈՒՆՔՆԵՐԻ ՄԱՍԻՆ

1. Անունը, ազգանունը

Կարինե Քարամյան

Քնքուշ Մովսիսյան

2. Զբաղեցրած պաշտոնը

*Հայաստանի Հանրապետության պետական եկամուտների կոմիտեի
իրավաբանական վարչության սնանկության գործերի բաժնի գլխավոր մասնագետ*

*Հայաստանի Հանրապետության պետական եկամուտների կոմիտեի
զարգացման և վարչարարության ռազմավարական ծրագրերի վարչության
հետազոտությունների և զարգացման բաժնի առաջատար մասնագետ*

Գործուղման վայրը և ժամկետները

Բուդապեշտ, Հունգարիա, 2022 թվականի նոյեմբերի 28 -ից դեկտեմբերի 1-ը

3. Հրավիրող կողմը

Հարկային մարմինների ներեվրոպական կազմակերպություն (ՀՄԿ)

4. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը).

2022 թվականի նոյեմբերի 28-ից դեկտեմբերի 1-ն ընկած ժամանակահատվածում Հարկային մարմինների ներեվրոպական կազմակերպության կողմից կազմակերպվել է «Անդրսահմանային անվճարունակության ընթացակարգերի գործնական կիրառում» խորագրով համաժողով, որին հրավիրված էին ՀՄԿ (IOTA) բոլոր անդամ-երկրները, այդ թվում՝ ՀՀ, Ադրբեջան, Բելգիա, Ֆինլանդիա, Ֆրանսիա, Վրաստան, Հունաստան, Հունգարիա, Լիտվա, Նորվեգիա, Լեհաստան, Պորտուգալիա, Միացյալ Թագավորություն:

Համաժողովի գլխավոր նպատակն էր ավելացնել շահագրգիռ/մասնակից երկրներում անդրսահմանային սնանկության վերաբերյալ գիտելիքները և փորձի փոխանակման շնորհիվ նպաստել IOTA անդամ երկրների հարկային մարմինների միջև ավելի մեծ փոխգործակցության բարձրացմանը:

Միջոցառմանը մասնակցությունը հնարավորություն է տվել ձեռք բերել գործնական փորձ ու գիտելիքներ այլ իրավասության տարածքում իրականացվող անվճարունակության ընթացակարգերում որպես պարտատեր հաջողությամբ հանդես գալու մեթոդների վերաբերյալ և ծանոթանալ ՀՄԿ անդամ երկրներում առկա գործնական փորձին:

Միաժամանակ, ներկայացվել են տարբեր ԵՄ և ոչ ԵՄ անդամ երկրների կողմից իրենց ռազմավարական ծրագրերում ներառված նշված նպատակի իրագործմանն ուղղված միջոցառումները:

Նշված գիտելիքներն էական նշանակություն ունեն Հայաստանի հարկային մարմնի կողմից անդրսահմանային սնանկության վարույթների շրջանակներում առկա պարտքի արդյունավետ հավաքագրման համար:

Միջոցառումը կազմակերպվել է նոր ձևավորված Հաղորդակցության ֆորումի աշխատանքների շրջանակներում: Ֆորումի շրջանակներում նախատեսվում է կազմակերպել հանդիպումներ յուրաքանչյուր տարի՝ տարեկան մեկ անգամ, ֆորումի գործունեության ողջ ընթացքում:

5. Քննարկված թեմաները

Միջոցառման հիմնական նպատակն էր քննել և քննարկել սնանկության անդրսահմանային ընթացակարգերի դեպքերը, որոնց կիրառումը հանգեցրել է պարտավորությունների հաջող հավաքագրմանը: Նշված միջոցառումը հնարավորություն տվեց ծանոթանալու այլ երկրներում առկա սնանկության վարույթները կարգավորող օրենսդրական կարգավորումներին, սնանկության վարույթներով պարտավորությունների հավաքագրման մեխանիզմներին:

6. Հանդիպումները, ելույթները, բարձրացված կամ քննարկված հարցերը

Համաժողովի ընթացքում ելույթներ են ունեցել Բելգիայի, Հունաստանի, Նորվեգիայի, Լիտվայի, Պորտուգալիայի, Շվեդիայի ներկայացուցիչները: Ներկայացվել են հետևյալ զեկույցները.

- 1) Բելգիայում առկա սնանկության գործերով կառավարիչներին վերահսկող կազմակերպությունները և պետական մարմինները ,
- 2) Հունաստանում առկա սնանկության տեսակները,
- 3) Լիտվայի կողմից ներկայացված՝ Լիտվայի և Նորվեգիայի միջև առկա անդրսահմանային սնանկության վարույթը, որով Լիտվան ստացել է պահանջի մասնակի բավարարում,
- 4) Պորտուգալիայում առկա սնանկության ավարտից հետո պարտավորությունների դուրս գրման եղանակները,
- 5) Ֆինլանդիայի հարկային մարմնի կառուցվածքը և վարչակազմը,
- 6) Շվեդիայի միջազգային աշխատավարձի երաշխիքները:

Բացի ներկայացված զեկույցներից համաժողովի շրջանակներում կազմակերպվել են քննարկումներ, որոնց շրջանակներում մասնակիցները կիսվել են իրենց փորձով, ձեռքբերված արդյունքներով և հնարավոր բացթողումներով: Մասնավորապես, քննարկվել են հետևյալ հյարցերը.

- 1) Հիմնական դժվարությունները, որոնց հարկային մարմինները բախվել են, երբ հանդես են եկել որպես պարտատեր անդրսահմանային սնանկության վարույթներում,
- 2) Եղանակները, որոնց շնորհիվ կարող են ընդլայնվել համագործակցության շրջանակները ԵՄ և ոչ ԵՄ անդամ երկրների միջև անդրսահմանային սնանկության վարույթներ իրականացնելիս,
- 3) ԵՄ-ում անդրսահմանային անվճարունակության վարույթի հիմնական մարտահրավերները,
- 4) Անդրսահմանային համագործակցության ընդլայնման մեթոդները,
- 5) Անդրսահմանային սնանկության վարույթներում առկա վերակազմակերպման ընթացակարգերի հիմնական խնդիրները,

6) Անդրսահմանային սնանկության վարույթներում առկա վերակազմակերպման ընթացակարգերի իրականացման ընթացքում առկա մարտահրավերների հաղթահարման մեթոդները:

7. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը

Համաժողովի ընթացքում փաստաթղթեր չեն ստորագրվել և որոշումներ չեն ընդունվել:

8. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները

Որպես համաժողովի ամփոփում, քննարկվել է հաջորդող հանդիպումների օրակարգը, հետագա թեմաները, որոնք պետք է դրվեն Հաղորդակցության ֆորումի հիմքում:

Առաջարկվել է հետագա հանդիպումների ընթացքում քննարկել համաժողովի ընդացքում փոխանակված փորձի կիրառված լինելու հաջող և անհաջող դեպքերը:

Միաժամանակ, կարևորվել է փորձեր ձեռնարկել զարգացնելու ԵՄ և ոչ ԵՄ անդամ երկրների միջև համագործակցությունը, որը հնարավորություն կտա ժամանակին իրազեկվելու այլ երկրներում առկա սնանկության վարույթների մասին:

9. Ստորագրությունը, ամսաթիվը

Կարինե Քարամյան

05.12.2022թ.

